

TAFASWIRI AN-KIBUSHI NIM-MATEKELEZO KI DUNIA NIN-HAKI-L-ADAMI

ALUHA NIN-VUDIN’ NI KURADA

An-fahitaga amba, fikuḡaliaga amba ḡinadamu djabi nitirahinyi ndreka usheu ndreka haki meraga nandzari ro musingi nin-nafasi, nin-haki ndreka usalama duniani ;

An-fahitaga amba, tsifahizaga ndreka fipuzisaga haki-l-adami ro mikutsonga faganovaga shitrendro ki katili maneitri rohu nin-umati djabi, amin’ ni zenyi, fitunga nin-ulemengu mbu kuruhusu ḡinadamu ivulaga ndreka ikwamini aminnafasi, ḡilò tahutru wala taāḡu nin-ufukara, ro nikutekelezaga kirasimi, ustaāraḡu beheben-djabi ninhulumbelu ;

An-An- fahitaga amba, agatin’ ni sharia-musingi nin-ndreu, zanatani nin-Uvumoja nin-Twaifa (Shama nin-Daula nin-Ulemengu) nikutekeleza mara hafa uaminifu nin-ndreu amin’ ni haki musingi nim-ḡinadamu ; amin’ ni usheu ndreka kima ninhulu an-rohuni, amin’ ni fihiraga nin-haki nin-lalahi ndreka viavi, amin’ zenyi, reu nampahei amba reu nangala āzima ampadeha aluha fagadzarisaga maisha nimḡinadamu ndreka ampiditri an-lalaga raha mbu andei tanafu tsara am-maisha nin-nafasi nankitinyi nimḡinadamu ;ahitaga amba, nikulazimu natou nguvu fihavagana ḡainan’ ni tani ndreka tani ;

An- fahitaga amba, Daula Agatin-shama iti ndreka shama nin-Uvumoja nin-Twaifa (Shama nin-Daula nin-Ulemengu) nangala wahadi an-ndreu agaraka kaḡaru retu atò haki-ladamì ndreka nafasi musingi ikustehinyi nankitinyi amin’ ni dunia mafia ;

An- fahitaga amba, fikutrugaga djumla nin-sharia ndreka nafasi retu nandzari muhimu swafi an-fikustehiaga namuna kulazimu, wahadi iti ;

Trengwe djumla nampahei amba Matekelezo ki Dunia nin-Haki-l-Adami iti

ro daradja agabugabun-djabi nin-ustaāraḡu nikulazimu nahazu nin-kula karazaga zanatani ndreka nishani, anga ḡinadamu djabi ndreka kula karazaga ninfikueshigandreu, ihisi Matekelezo iti daima amin’ ni luhan-ndreu, aganu djitihadi amin’ ni fampidzuruaga ndreka fitarimiaga, ampiasa masitaha nin-sharia ndreka nafasi retu ; amin’ ni zenyi, aganu modeli ata, amin’ ndreu mapapiditri an-lalaga moramora-moramora satua mifotutru tani ou mifotutru dunia, reu ikutsonga ata fikuḡaliaga ndreka fikurumiaga reu iti, ike nin-anakitinyi amin’ ni dunia mafia ; rangu amin’ ni zanatani nin-Daula agatin’ ni Uvumoja nin-Twaifa (Shama nin-Daula nin-Ulemengu) ata an-tani amin’ ni hifadhwi ni sharian-ndreu.

Kanuni aluha

Ḥinadamu djabi nitirahinyi an-nafasi, reu bokeu miraga amin’ ni usheu ndreka haki. Reu teraka ndreka ākili ndreka hikima, amin’ ni zenyi, reu nikulazimu nisi tweraga nin-fihavaga reu sambu reu.

Kanuni faha aroini :

Kula hulugu meti mikudai fikurumianaga amin’ nazi ninsharia ndreka nafasi retu djabi, nivulagana amin’ ni Matekelezo iti, wala tsisi fifidanaga tsokao yotsi, mfano mifotutru kaḡila, range (nin-nenyi), lalahi au viavi, fivulagana, dini, fikira ki siasa au fikira hafa tu, tani nibwahaga au daradjan-hulugu, mali, teraka au kabaru hafa tu.

Boka eu, tsi uhusi fifidanaga tsokao yotsi mbu atou hatasiḡaḡun’ ni daradja nin-siasa, nim-mahakama au hatasiḡaḡun’ ni abezan-tani au gitro nin-tani nibwaha ninhulugu ; neka tani iu au gitro nin-tani iu huru, nikutawalan’ ni tani hafa, tsi mahaleu tega au nikupunguzaga yezi.

Kanuni faha teluni :

Kula shumbe-ḡinadamu misi haki an-fikueshiaga, annafasi ndreka an-hifadhwi nin-nafusini.

Kanuni faha efatrani :

Tsisi hulugu mbu atou andevu au andivuzaga : fandivuzaga ndreka kula kalite nin-fanyiraha ki andevu, tsi kuruhusugu.

Kanuni faha dimini :

Tsisi hulugu mbu atou matriko, wala fihezinyi ou kudilinyi kara raha tsisi manani ou atou raha mikulanisa izi.

Kanuni faha tshutani :

Kula hulugu misi haki an-fikuḡaliaga haki nazi kula mahala misi izi.

Kanuni faha fituni :

Hulugu djabi miraga an-lalaga ki sharia ndreka misi haki djabi ḡilò fifidanaga, an-hifadhwi miraga nin-sharia. Hulugu djabi misi haki miraga an-sharia mikuhifadhwi hulugu ndreka kula ubanguzi mandeha kinyume ndreka Matekelezo iti, ndreka kula fikutsotsaga ubanguzi iti.

Kanuni faha valuni :

Kula hulugu misi haki an-fandihanaga mikushitaki ammahakama nin-tani misi maārifā amin’ ni kabaru nazi, neka haki-musingi nazi, boka eu nikuḡalin’ ni sharia be musingi ou sharia tu, tsi nikusutehinyi.

Kanuni faha sivini :

Tsisi hulugu mbu heti tanin-sirikali ou gadrani lajoli ou atuwatanani ḡilò siḡaḡu.

Kanuni faha fuluni :

Kula hulugu misi haki, an-fihiraga swafi, an-faganovani modeli atò hadja nazi urenyim-mahakama tsi kisirikali, tsi mampinonu hila, an-lalaga nin-haki ndreka anyivuntrengwe. Mahakama iti ro mbu ahei neka hulugu iti amin’ ni haki nazi ndreka farudhwi nazi au mashitaka natoga izi iti maparaka lalaga.

Kanuni faha fulu areki ambini :

Kula hulugu nikuhutumugu ndreka taḡia ratsi, kaza taninyi ndreka halathwi paka izi kuhukumugu kirasimi am-mahakama mbiaga an-trengwe, amin’ izi eu, kula kabaru miditri amin’ ni difāi nazi djabi nikurumianaga.

Tsisi hulugu mbu vangoga kubei hatasiḡaḡun’ ni āmali au raha tsi nishugulinyi, ndreka wakati naganovaga reu iti, reu tsi nalaga amba taḡia ratsi amin’ ni sharia nin-tani au nin-ulemengu. Boka eu kua, tsisi raha rati mandiltra inyi fa vua hulugu lera naganovaga taḡia rati retu, mbu vua hulugu kua.

Kanuni faha fulu aroi ambini :

Tsisi hulugu mbu hidiraga ḡila siḡaḡu, am-maisha ninantanana nazi, amin’ ni havaga nazi, amin’ ni tragu nazi au amin’ ni ḡarua nazi ; wala tsisi hulugu mbu hiditri amin’ ni kabaru mbu ikupua hulugu usheu, mbu andatsaka izi. Kula hulugu misi haki an-hifadhwi ninsharia mamahaga fidiraga an-hulugu ndreka fikufutsuhaga maisha nin-hulugu.

Kanuni faha fulu telu ambini :

Kula hulugu misi haki an-fidiraga ndreka fibwahaga an-nafasi ndreka an-fifidanaga mahala ipitrahani agatin’ ni Daula .

Kula hulugu misi haki an-fibwahani an-nakwakila tani, ata an-tani nazi, ndreka an-fipudiani an-tani nazi.

Kanuni faha fulu efatra ambini :

Am-mahala misi udilifu, kula hulugu misi ruhusa mitsakaraka mahala ififiaga, boka eu, misi furswa ahazu mahala ififiani amin’ ni tani hafa.

Sharia iti tsi heti kurumianaga neka hulugu mila ikurumianaga izi iti, tsakarahin’ ni sirikali hatasiḡaḡun’ ni shidrendro natoni niditri amin’ ni ḡaādhwi nin-shidrendro nikudukurugu amin’ ni sharia djumla au hatasiḡaḡun’ ni taḡia natoni tsi miaraka ndreka madhumuni ndreka makuswada nin-Uvumoja nin-Twaifa (Shama nin-Daula nin-Ulemengu).

Kanuni faha fulu dimi ambini :

Kula hulugu misi haki an-fazahuaga uraia.

Tsisi hulugu mbu heti fahagana kaza ahazu uraia au amadiki uraia, ḡilò siḡaḡu.

Kanuni faha fulu tshuta ambini :

Neka reu fa kutsimu, lalahi ndreka viavi nin-kula nishani, kula uraŋa au kula dini, meti manambadi ndreka miteraka zanakan-ndreu. Hakin-ndreu amin’ ni kabaru mifotutru vadiaga meraga, lera reu amin’ ni vadiaga ndreka lera reu mibogu.

Vadiaga mbu heti atou neka bwana harus i ndreka bweni harus i nikuŋali izi itl.

Fihisiaga havaga iu raha amin’ ni vatan-hulugu boka eu muhimu amin’ ni maisha ki udjamaa ; izi itl misi furswa ahazu hifadhwi nin-udjamaa ndreka nin-Daula.

Kanuni faha fulu fitu ambini :

Kula hulugu, rangu inyi mipetraka izi areki ata inyi mipetraka an-djamaa, misi furswa amba izi hu tompinshandza.

Tsisi hulugu mbu heti fahagana ŋilŋ siŋaŋu amba izi kaza utompin-shandza.

Kanuni faha fulu valu ambini :

Kula hulugu misi haki an-fihisiaga nafasi nin-fikufikiriaga, nin-fikurumianaga akili-musingi ndreka nin-fihisiaga dini ; haki itl mikuruhusu hulugu mamadiki dini au fikira, ndreka magamia hulugu nafasi mampahei dini au fikira nazi izi areki au ndreka ri namani rangu an-karamandza ata an-traguni ; amin’ ni fidzuruaga izi, amin’ ni faganovaga izi, amin’ ni faganovaga ibada ndreka mahafala mifotrutu dini itl.

Kanuni faha fulu sivi ambini :

Kula hulugu misi haki an-fihisiaga nafasi nin-fagabwahaga fikira ndreka nin-fivulagana ; maanani iu, hulugu misi haki an-tsifiampidzaliaga hulugu hatasiŋaŋu nin-fikira nazi ; an-fahazuaga ndreka fagabuguaga ŋila tsisi fikutundaga mupaka, kabaru ndreka fikira, an-kula lalaga mbu kurumianaga.

Kanuni faha arompuluni :

Kula hulugu misi haki an-fihisiaga nafasi nin-fivuriaga ndreka nin-faganovaga shama tsisi tashahushi.

Tsisi hulugu mbu atou nguvu ihiditri an-shama.

Kanuni faha arompulu areki ambini :

Kula hulugu misi haki an-fangalaga fuvu anfangandesaga kabaru mifotutru hulugu djabi an-tani nazi, nahika ro hulugu tompini au amin’ ni hulugu magatitri wakala nifidanaga an-nafasi.

Kula hulugu misi haki an-fihisiaga lalaga, mikustehi masharutwi nin-fihiraga, iditri an-hasa ki sirikali nin-tani nazi.

Nia nin-zanatani io ro musingi nin-yezi nin-sirikali ; nia itl nikulazimu kutekelezaga amin’ ni voti mazava nikulazimu natou kula mumba muda, amin’ ni lalaga mikukarŋisa hulugu djabi an-fihiragana, amin’ ni voti ninsiri au magaraka fomba miraga ndreka voti nin-siri, mikuruhusu unafasi nin-voti.

Kanuni faha arompulu aroi ambini :

Kula hulugu, amin’ izi hulugu nin-djamaa, misi haki anfazahuaga hifadhwi ki fihavagana (ki siraki) ; musingi nin-hifadhwi iu, ro fikutsimidzaga haki mifotutru akiŋa, udjamaa ndreka utamaduni muhimu an-hishima nazi ndreka an-huvambufu an-nafasi nin-tweraga, hatasiŋaŋu’ ni djitihadi ki tani ndreka fishirikaga ki ulemengu, hatasiŋaŋu’ ni namuna nin-kupangaga ndreka rasulimali nin-kula tani.

Kanuni faha arompulu telu ambini :

Kula hulugu misi haki an-fazahuani hasa ndreka anfihisiani shaŋaha an-fifidanani hasa amin’ ni lalaga ninhaki bokeu kusutou nin-hasa ; ndreka misi haki anfikuhafadhiaga izi ndreka fipitrahaga-ŋure.

Hulugu djabi, wala tsisi fifidanaga, misi haki anfazahuaga mushahara meraga an-faganovaga hasa miraga.

Kula hulugu miasa, misi haki an-fazahuaga mushahara kusutou, modeli nikulazimu mbu ikuruhusu izi ndreka ri havani uhisi maisha ki uŋinadamu, bokeu meti susohinyi ndreka musada hafa nin-hifadhwi ki udjamaa.

Kula hulugu misi haki an-fikupangana ndreki ri havani, shama nin-fikudaiaga haki nin-hulugu nin-hasa, an-fihidirani an-shama mikudifaŋ tanafu nazi.

Kanuni faha arompulu efatra ambini :

Kula hulugu misi haki an-fagabwahaga vaha ndreka fangalaga nafasi, amin’ ni zenyi, an-faganovaga mupaka mikustahiki amin’ ni muda nin-hasa ndreka anfagabwahaga vaha ifaga nim-muda.

Kanuni faha arompulu dimi ambini :

Kula hulugu misi haki an-fihisiaga daradja ninfikueshiaga kiasi, mikuruhusu izi uhisi swiha tsara, ahazu faivagana, izi ndreka ri havaga nazi, an-kabaru mifoturu, fihinanaga, fisikinaga, fihisiaga tragu, fazahuaga audi ki lopitali ndreka fazahuan-hulugu zema ki sirikali muhimu : izi misi haki an-fazahuani musada anwakati nin-fipitrahaga-ŋure, nin-aretinyi, ninfikupunguzan’ ni ziga, nin-fati nin-vadi, ninhaubakokuaga, au am-mukaŋala nin-fihafahan-raha mampahazu hulugu maisha, hatasiŋaŋu nin-fandihana nin-kabaru ŋila uvhenda nazi.

Fitirahaga ndreka hauzazaga misi haki an-fazahuaga musada ndreka fikututuŋiaga mahususu. Zaza djabi, rangu reu nitirahinyi an-vadiaga atŋ reu nitirahinyi antani, misi haki miraga an-fazahuaga hifadhwi nin-taŋu nim-maisha.

Kanuni faha arompulu tshuta ambini :

Kula hulugu misi haki an-fidzuruaga. Fidzuruaga nikulazimu ŋure, shingani ro, fidzuruaga an-likoli madiniki. Fidzuruaga hasan-tagana nikulazimu mibiaga an-hulugu djabi ; fidiraga an-likoli nin-daradja agabu ninfidzuruaga nikulazimu nibiaga an-fihiraga nin-ankitinyi, an-kula hulugu djabi misi maarifa uhiditri.

Fidzuruaga nikulazimu nikusudia utsatsarufu nimŋinadamu, faganovaga nguvu mastaha nin-haki-l-adam ndreka nafasi musingi. Izi tihl nikulazimu nampandehaaluha fikuelewaga, muswamaha ndreka fiwandzaniaga nin-tani djabi, ndreka shikao nin-kaŋila au nin-dini ndreka fandihanaga-aluha nin-amali nin-Uvumoja nin-Twaifa (Shama nin-Daula nin-Ulemengu) fikututuŋiaga usalama.

Ri hulugu maventi nin-hulugu, misi haki an-fifidanaga amin’ ni raha muhimu amin’ ndreu, fidzuruaga tokutru ahazun-ndri zanakan-ndreu.

Kanuni faha arompulu fitu ambini :

Kula hulugu misi haki an-fangalaga fuvu neka izi shoku, am-maisha ki tamaduni nin-djamaa, an-fangalaga ŋastwi nin-swanaa ndreka an-fangalaga ŋandza amin’ ni fandihanaga-aluha nin-sayasi ndreka atsaraga ahazugu an-raha retu.

Kula hulugu misi haki an-fikuafadhiaga zavatra nazi, rangu reu mifotutru ilimu ata zombo nikumbaga anfikurumianaga sayasi, fanurataga buku au fikutrungaga kabaru, neka izi ro tompin’ ni raha retu.

Kanuni faha arompulu valu ambini :

Kula hulugu misi haki an-faganovaga modeli atŋ utrilivu amin’ ni maisha ki ŋinadamu ndreka amin’ ni ulemengu ikuŋala atŋ haki ndreka unafasi nikudukurugu agatim-Matekelezo itl, ikurumianaga namuna nin-kulazimu.

Kanuni faha arompulu sivi ambini :

ŋinadamu misi raha diasinyi ndreka izi amin’ ni djamaa nazi ; amin’ izi itl, fikuvambusan’ ni tweraga nazi an-nafasi, iu tu ro raha isiani ruhusa maganu azi.

Amin’ ni fikurumianaga hakin-hulugu, ndreka fihisianhulugu nafasi, raha retu djabi misi mupaka napetrakansharia. Makuswada nim-mupaka retu, izi ro faganovaga modeli ata fikuŋaliaga ndreka mastaha nin-haki ndreka nafasi nin-havaga ikueshi ; amin’ ni fikusutehiaga kua, masharutwi nin-uŋinadamu, nin-utrilivu nin-trengwe ndreka fiatsaraga djumla nin-djamaa nin-ki nafasi.

Haki ndreka nafasi retu, ala-kulli-hali, tsi uheti ikurumianaga amin’ ni lalaga tsi miaraka ndreka makswada ndreka masharutwi nin-Uvumoja nin-Twaifa (Shama nin-Daula nin-Ulemengu).

Kanuni faha telumpuluni :

Tsisi atò sharia areki nim-Matekelezo iti mbu beti kutafaswirinyi amin’ ni lalaja mikuruhusu, Daula, shikao au hulugu areki, ihisi haki itsokao yotsi nin-fajanovaja mahafala au amali mandrubaka haki ndreka unafasi nikudukurugu etu.